



《續修四庫全書》編纂委員會編

續修四庫全書

上海古籍出版社

一一五九・子部・雜家類

經史答問四卷〔清〕朱駿聲撰

蘿摩亭札記八卷〔清〕喬松年撰

管見舉隅一卷〔清〕王培荀撰

菴友蛾術編二卷〔清〕王筠撰

癸巳類稿十五卷〔清〕俞正燮撰

癸巳存稿十五卷〔卷一至卷四〕〔清〕俞正燮撰

一

七七

一八三

二二一

二五九

六〇七

經史答問

〔清〕朱駿聲撰

據上海辭書出版社圖書館藏清
光緒二十年刻本影印原書版
框高一九四毫米寬二五八毫米

經史合問

光緒甲午
季于金陵

先君著述數十種說文通訓定聲一書其餘攷訂經史皆以六書母穿精義未乘之稿尚多少從嘉定錢竹汀宮詹游故往往述其語又與朱先生右曾友善先生所著逸周書集訓先君亦與商訂後與彭汪先生文臺俞先生正燮程君鴻詔及弟子程朝鉦朝儀等質疑問難有經史答問一編亂後頗有板失今存四卷李君宗媚喜讀先人書屬子蘊貞訪求遺稿請次弟榮行嘗謂彰曰先公論方言古音一

經史答問敘

條如壹戎衣注謂當從康詒作殷衣殷一聲之轉今徽州黟縣人語猶如此其說精矣鄙人因推斯悵如吾黟謂大風之聲曰喟按即颶字說文颶大風也吾黟謂激雨曰雨毛叢按即霽字說文霽小雨也又曰雨毛斯按即霽字說文霽小雨財霽也讀若斯吾黟取新一束曰一蘭柴按即翫字說文翫小束也讀若蘭吾黟謂穀廿斤爲一甲當即說文秬字禾穗也引申爲穀數之總名吾黟豬肉店中記帳曰亥幾斤說

文云古文亥與豕同豈非影謬合于許書乎又曰先公論漢書三劉刊誤朱子文辯正淺陋當削去如劉攽謂常當作嘗宋祁謂已當作以不知常嘗段借字已古字以乃俗字故所評多妄鄙人亦推斯指如項羽傳馬童面之劉攽曰面之直面向之耳按如此說則面之二字亦贅豕謂面段借爲倆少儀尊壺者面其鼻說文作倆段氏玉裁云訓鄉亦訓背如廢置但存苦快之例離騷倆規矩而改錯王逸曰倆背也賈

經史答問敘

二

誼弔屈原文倆蟪蛄以隱處應劭曰倆背也因知從背訓爲長攽說亦非劉向傳爲其人微象宋祁曰微作微按卽黥布傳使人微驗之微說文微訓隱行隱隱先見其象于文甚順或借爲賸亦通何必改爲微字惜不及見先公一質證之未知然否彰曰君說皆是也他日刻就斯編坊君語當亦先君所許未稭月聚成而君父子先後謝世舊彼蒼之難問惜書人之云亡於乎傷矣光緒甲午夏五男孔彰謹識

經史答問卷一

元和朱駿聲筆記

問詩不屬於毛毛古人皆以髮言於誼不順曰愚嘗疑表字之誤表篆作表

問孟子闢然媚於世闢然果取寺人閉藏之誼乎曰闢然媚態也此單詞形況字猶嫣然耳

問五禮通考以小雅于彼牧矣證鄉遂之不出車其說是歟曰非也詩次章卽有于彼郊矣之文皆泛言之且卽牧字亦何不可解爲牧田牧田正在遠

經史答問

卷一

郊之內矣況就其說祇足證鄉之不出車而適以見遂之出車也

問孟子朱注國中郊門之內鄉遂之地何解曰此殆因周禮遂士有掌四郊之文而誤

問周官六年五服一朝上言六服羣辟此言五服且與周禮大行人不合何歟曰周官僞書不足據然愚恰有一說唐虞以四方分諸侯每年一方來朝至第五年巡守夏殷以五部分諸侯每年一部來

朝至第六年巡守周以六服分諸侯每年一服來朝至第十二年要服不朝而天子巡守則當卽於方岳朝之所以恤遠人也不言六服一朝者以十一年中五服皆再朝惟要服止一朝耳不然要服於第十二年朝第十三年又朝於方岳連歲道勤非懷柔之義矣

問田有九等何謂也曰禹貢之九等上上上中上下中上中中中下下下下下也此以彼州比此

經史答問

卷一

州其大較相差如是周禮之九等屢里揚圖宅田士田賈田官田牛田賞田牧田也左傳之九等衍沃隰皋原防偃豬疆濠滄鹵京陵藪澤山林也

問孟長卿六日七分之說鄭取以解七日來復立論甚巧然歟非歟曰其實非也凡物之以成數舉者或所少無幾或所餘無幾如詩三百十一篇可云三百而不可云四百說文一萬五百餘文可云萬字不可云二萬也今每日作爲一百分之八十

分而六日之外所餘無一百分之七分只可當

六日何得爲七日夫孟喜卦烝一日八十分是一

周七十二候爲二萬九千二百二十分此數本屬

憑虛立說且凡渾言分數而不言母數則必爲十

分之幾分今屬於六日之下而曰七分卻是四

百八十分又餘七分衡以每日之數乃八十分又

餘七分而直以六日統之文義未貫如其言當云

六日又八十分日之七耳然則六日之六與七分

經史答問

卷一

之七兩數全不相涉既無母數卽云七十分七百

分七千分亦無不可安得取孟氏約分之數以七

分數大可當一日據以解復卦耶若以古法之日

周一萬分言之則六日七分猶云六日又八百七

十五分以今法之日周一千四百四十分言之則

六日七分猶云六日一時零六分大抵不及每日

十分之一也

問朱子注詩以下文無正意者爲比下文有正意者

為興然歟曰愚謂詩言鳥獸草木大半記時有興正意關合者亦有不必關合者興多而比少

問先生以八佾篇關雎為合樂之詩所謂關雎之亂前人是有是說歟曰此駢枝之說余以為巧切而取之然夫子論詩於關雎曰樂而不淫哀而不傷猶季札觀樂於周頌曰樂而不荒哀而不愁太平之頌二南之成也

問全胥房胥之名左肱右肱之別其詳可得聞歟曰

經史答問

四

卷一

凡牲先解七體脊一脊二肱二股二所謂全胥也次解二十一體脰脊中前橫脊後為三長脊中代脊前短脊後左右為六臂中上膈下左右肱為六肱中髀上髀下左右股為六所謂房胥也七體乾之為腊或用於俎乃折為二十一體其正脊之前肩之上當頸處謂之臑即髀之下足之末近蹄者謂之般不在正體之數臑惟祔祭主婦以下俎用之般惟主婦俎佐食俎用之周制牲體貴

右吉禮皆用右肱凶禮皆用左肱凡左右皆用謂之合升有用十一體者脊三脊三肩臂膈髀也少有用九體者去正脊長脊也性有用七體者又去橫脊短脊也土有用五體者正脊橫脊長脊短脊臂也有用三體者脊脊之外或肩或臂或膈或肱或髀也土肱不用惟祝俎用之以近竅而賤也有用一體者或脊或髀也惟四蹄不用

問士虞禮祝俎髀肱脊脊是有用四體者歟曰愚以

經史答問

五

卷一

為肱字乃短之譌後脊謂之短脊則後脊亦可謂之短脊大約牲體皆用奇數即以祝俎言之少牢之橫脊短脊髀也特牲之脰脊脇髀也則此實與少牢同耳惟羊或用四體少牢左肩左肱前脊前脊是也至鄉射禮記有釋獲者之俎折脊脊似二體而不言何脊何脊則亦難以臆斷問周語纂修其德下即云脩其訓典連用二脩字似復曰愚以為纂脩乃循字之誤耳

問周語農祥晨正房星名農祥未見他處曰據說文
農房星也或作晨又晨早味爽也則農祥當作晨
祥晨正當作晨正因房星爲民田時卽作農祥亦
通

問左傳昭公二十年在康誥曰父子兄弟罪不相及
今書無此文何歟曰此苑何忌之言猶云在康誥
所言父子兄弟之罰未嘗相及曰字不宜讀斷非
約引尙書文也

經史答問

六

卷一

問毛詩稽古編引下泉序伯字竟作霸是歟曰非也
明王謂周京賢伯謂郇伯州伯之伯非桓文之霸
也下泉思霸之說未見詩詞中

問經多用他日字皆後日歟曰左傳他日請念後此
之時也採樵者異於他日前此之時也有二義

問陳啟源譏漢唐宋諸儒解詩先祖匪人爲詈詞然
歟曰愚謂匪人者猶言人則不能教子先祖是神
靈當可相救何忍而不救乎然究以王肅缺一祭

之解爲正

問六笙詩序南陔孝子相戒以養似與篇名無涉曰
陔疑古作祓有戒義然六詩序皆就篇名取義不
能無傳會之疑

問鄭氏箋詩似遜三禮曰鄭箋有斷難從者如亦既
覯止之爲媾精言從之邁爲自殺永矢弗諼爲誓
不忘君之惡有害於義

問陳啟源以彤弓之受言藏之爲藏於家然歟曰當
從鄭箋出藏之反入爲允

經史答問

七

卷一

問陳啟源辨美孟庸之非鄘國姓矣然其言鄘女不
應見鄘風如衛言庶姜鄭言孟姜不及姬陳言淑
姬齊姜宋子不及嬀然歟曰鄘國豈無異姓之世
臣

問射之正卽擊鵠征鳥厲疾之征也曰此從鵠字例
推其實非也正是本字象方形故文反正爲乏乏
見儀禮唱獲者所以避矢

問左傳季蘭尸之杜注然否曰蘭當是季女之姓召南大夫妻也後世漢蘭廣晉蘭維梁蘭欽或其父族之苗裔但他無證據與桑中之孟庸同

問毛詩稽古編典核可傳歟曰是書卓然可傳惟信偽古文尙書與信夫子刪詩三千爲三百又信西方之教此三蔽也

問詩補亡始於東廣微歟曰夏侯湛已曾饌六笙詩其後唐皮日休又有補九夏歌

經史答問

入

卷一

問毛西河以孔子稱文王無憂證詩之其德靡悔然歟曰實無當於詩旨

問詩稱褒姒曰懿曰哲何歟曰齊子愷弟風亦以稱文姜華服飾醜女愈形其惡也

問書詩文武連言不配以王不近於不敬歟曰文武二字古人頌揚常語非斥言文王武王也顧命文武大訓康王之誥惟周文武昔君文武洛誥揚文武烈文武勤教誕保文武受民誕保文武受命文

侯之命不顯文武肇刑文武皆言文德武功至爲古文如君牙伯冏所稱則乖於義矣卽詩文武維翰謂文王文武是憲謂申伯文武吉甫謂吉甫文武惟后謂文王文武受命謂召公皆非斥言先王也惟魯頌至於文武以稱先王魯爲侯國且春秋時年世已遠左傳文武成康之稱不一而足則後人省文無足怪耳

經史答問

九

卷一

問成康二字亦常語歟曰然詩不顯成康自彼成康皆言武王也猶成王亦常稱書成王畏相惟助成王德顯詩成王之孚成王不敢康噫嘻成王俱非王誦

問稽古編解大明保右命爾句以爲得之然歟曰鄭箋安而助之又遂命之爾使協和伐殷之事謂台位三五也命之爾爲句爾蓋指太似亦推本言之陳君以命之爲句非

問朱子以旱麓爲文王詩豈以還不作人一語與棫

樸同歟曰當是如此然旱麓併無太王王季一字而序云云益知其必有師承未可輕議也

問毛公分章謂之故言當從歟曰如太任有身二句文王嘉止二句屬下非

問詩無然泄泄是忘緩之意歟曰非也泄讀爲噀說文云多言兒爾雅制法則也是謂紛更也孟子曰猶沓沓也

問孟子齊人有一妻一妾齊人果乞人數曰禮記正

經史答問

十

卷一

義士有一妻二妾北齊元孝友傳古者士一妻一妾然則齊人必能求富貴利達一旦失勢爲正人君子所不齒者

問論語犁牛犁訓雜文是歟曰此讀犁爲鰲鰲黑黃雜色也按山海經叔均始作牛耕春秋時冉耕字伯牛司馬牛名犁趙策秦以牛田則牛耕之教不始於漢趙過也犁與耕同訓

問蔽冕之敝是蔽膝歟曰蔽膝之敝从韋友聲古作

市从巾一指事黼黻从帑繡於裳如兩弓相背形蓋以衣裳統冕左傳以黻冕命士會是也

問太宰如周禮之冢宰歟曰春秋時周魯鄭朱楚陳吳皆有之惟陳吳宋爲卿他皆大夫

問論語駢邑三百何謂三百曰以四井爲邑計之則其地方三十四里有奇爲田一百八萬畝以一乘名邑計之則其地方一百七十三里有奇爲田百七十億畝均未免太多左傳晏子曰惟卿備百邑

經史答問

十一

卷一

伯氏何人而三卿之邑乎孔注食邑三百家此明言邑不同於左傳所云歸我衛貢五百家之言家也與原思粟九百皆當闕疑若伯氏齊大夫名偃見皇疏駢邑邾邑也見左莊元傳又應劭說奪邑當是管仲執政行罰之事人也上疑脫一字

問劉展恂秋槎日記云匏瓜有甘有苦苦者不可食惟繫以渡水夫子言已將用世非若匏瓜之不能爲人食義似明暢曰究與下文焉能字神理隔礙

當從星名解爲是

問詩以先啟行卽左傳襄公二十三年之啟歟曰先啟猶左傳之先驅也傳啟與肱對則左翼也

問吳有西吳北吳之分何謂也曰吳卽虞也周章之弟虞仲封於河北爲北吳又吳王封虞仲之庶孫爲西吳後世謂之虞公皆虞也周禮雍州嶽山注吳嶽雍地近西戎齊語西服流沙西吳注雍州地趙策黑齒雕題鯁冠秣縫大吳之國也然則句吳

經史答問

主

卷一

爲東吳雍州爲西吳皆非虞之爲西吳北吳

問春秋繁露云儻溢員儻溢方儻溢楯儻溢衡何謂溢曰溢卽八佾六佾之佾雙聲假借字也漢書郊祀歌亦作溢

問射不主皮主皮卽貫革歟曰非也考工記往體寡來體多謂之王弓之屬利射甲革楯質左傳養由基射七札是也此軍中之射所謂貫革周禮鄉大夫用鄉射之禮詢眾庶眾庶卑無俟且兼較力張

經史答問

主

卷一

獸皮而射之故三曰主皮記主皮之射勝者又射不勝者降是也此眾庶之射所謂主皮鄉射賓射燕射大射四者張侯二番不勝仍待後番復升射蓋取容節比於禮樂不尙力也此習禮之射所謂不主皮至凡祭祀取所獲禽陳於澤卿大夫相與射而取之無侯亦當張獸皮或竟射死禽則惟大射之前有之非主皮正解按皮侯者布侯而節其中三分之一采畫之爲正又棲皮於中爲鵠侯側以熊虎豹麋之皮飾焉大射用之大射者天子將祭選士射於西郊虞庠也采侯者或五采或三采或二采畫布爲正侯側畫以雲氣賓射鄉射用之賓射者諸侯朝王王與之射於朝或諸侯相朝而射鄉射者州長會民而射於州序也獸侯者畫布以熊麋虎豹鹿豕之獸形爲正侯側皆畫雲氣燕射用之燕射者天子諸侯燕其臣於寢或與來聘之臣射也賓射鄉射燕射無皮固不主矣大射雖

有皮而亦不主皆所謂射不主皮

問書州十有二師晉書地理志云堯制八家爲鄰三鄰爲朋三朋爲里五里爲邑十邑爲都十都爲師則師以地言歟曰師者逵也衛也每州十二人九州則百八人也地名不見於他經

問天子駕四歟駕六歟曰據書顧命布乘周禮校人乘馬一師四圉則四馬爲常乘六馬不常乘也易六龍詩良馬六之韓詩外傳朽索馭六馬大戴六

經史答問

古

卷一

馬之離列子六馬可御春秋緯皇伯駕六龍則古自有此說

問凡蔣邢茅胙祭周公之允始封者何人曰周公八子伯禽封魯次子君陳治東郊三子伯齡封於蔣餘無攷

問退食自公公食伊何曰據玉藻天子少牢諸侯特牲則大夫當特豚又左傳云公膳日雙雞

問周禮大司馬春火焚山虞若大田獵則萊山田之

野而詩云彼茁者葭彼茁者蓬校人田獵則帥驅逆之車而詩云壹發五豝何歟曰壹發不盡殺騶之仁也不以火田虞之仁也皆文王之仁也騶養馬之官虞山虞也

問毛傳小曰橐大曰囊說文無底曰囊有底曰橐漢書顏注有底曰囊無底曰橐其同異何從曰左傳僖二十八年橐籥宣二年寅諸橐是橐小秦策子胥橐載是橐大公羊傳哀六年巨囊是囊大燕策

經史答問

圭

卷一

藥囊史記錐處囊是囊小要皆通名

問禮記定猶與猶犬屬見爾雅尸子說文水經注與疏云象屬何據曰與讀爲豫也豫大象見說文然說文有麋字似鹿而大或卽與字也至顏氏家訓人將犬行犬好豫在人前待人不得又來迎候如此往還不息斯乃猶豫之所以爲未定也此本爾雅猶如鹿郭注而小變其說而不知前定之豫乃敘字之假借次第之意非本訓也其實猶豫乃古

疑慮常語雙聲連字不必穿鑿

問宣十六年晉侯請於王以獻冕命士會將中軍且爲太傅何也曰禮二卿命於天子一卿命於其君春秋時行此禮者惟斯一見

問玉藻元端而朝日鄭氏破端爲冕是歟曰郊天之時祭日則服大裘而冕覲禮拜日於東門之外則衮冕春分祭日則服元端也若元冕乃羣小祀之服

經史答問

太

卷一

問虢國公羊作郭何歟曰郭是正字號是假借字若城郭當作寧度也民所度居也

問陳啟源謂詩天命不又惟天子受命於天然歟曰此卽左傳劉子人受天地之中數語意

問明朱謀瑋詩故一書頗有可采歟曰其解詩似皆爲賦體比閒有之興則全無也

問車牽雖無好友式燕且喜箋說是歟曰愚以好友指幽王也言幽王雖無道不堪配淑女且假作歡

悅以博王之寵庶幾可進諫而聽從也未信則以爲謗已故先欲得王之歡心而思夫有德兼有容者也鄭箋似疎

問采芣三十四章箋謂賦當時之事後儒謂追想在家之事集傳謂望其歸後之事宜何從曰鄭說似於情事不合凡征役久而不歸勞苦之事不能從容於狩於釣也集傳較圓

問易雲龍風虎何謂曰徐季龍以龍爲大火虎爲參

經史答問

七

卷一

星火出則雲應參出則風到此陰陽之盛化亦一說也

問嘉魚烝然罩罩鄭解謂遲之也何意曰此卽孟子所云國君進賢如不得已之意

問小弁之詩公孫丑引高子之言問孟子而毛傳作高子問孟子大旨則同而越人兄弟兩喻則設意大異孰爲長歟曰射之之字孟子是射他人毛詩是射我我卽宜曰也於情事爲切於義爲深摯北

魏書引古語義亦如毛作我也至孟子所載則高子之言惟小弁小人之詩一語餘皆丑所問毛傳所引則全是高子語亦微有不同

問惟鵜在梁鵜何能在梁歟曰施士可說取魚之梁也言鵜自合求魚不合於人梁上取人所得之魚喻人日無善事攘人之美其說頗優

問白駒於焉逍遙於此乎於何乎曰於何爲允

問國語夏之興也周棄繼之禮記夏之衰也周棄繼

經史答問

文

卷一

之一興一衰何刺繆歟曰疑禮記字誤國語文順與左傳自商以來祀之之說原不悖也國語繼之是繼能植百穀百蔬禮記繼之是繼稷之祀據祭法文當云其子曰農能殖百穀故祀以爲稷夏之衰也周棄繼之乃順

問腓字詩凡三見宋薇生民四月也毛詩兩訓避四月訓病易凡二見鄭訓腓腸何政異若此曰易是正字脛腓也蘇俗云膀肚腸子是也詩是假借字

訓避者借爲非非隱也訓病者借爲非非風病也問朱子取六笙詩插入詩什易其篇第殆非歟曰編詩之次與奏樂之度本不必同然鹿鳴四牡皇華證諸儀禮左傳及六月小序皆勞在先遣在後與詩次同亦不能無疑

問子貢詩傳朱竹垞經義考斥其僞謂所采之詞多在子貢後然歟曰魯賜詩傳與申培詩說大同小異余以爲魯申培弟子有東海太守碭魯賜明嘉

經史答問

九

卷一

靖中豐坊所作僞書二種一詩說一詩傳非托於衛端木賜乃託於東海太守培之弟子耳後人以訛傳訛遂以爲孔子弟子子貢也

問宋設左右僕射左右丞相左右諫議明因之皆以左爲上右爲次今左右侍郎等亦然而又有左遷右文之語何歟曰此猶行古之道也漢制以右爲尊以貶秩爲左遷居高位爲右職仕諸侯國爲左官右丞相第一左丞相第二

問梁鴻傳舉案齊眉霍后傳奉案上食案者古椀字然歟曰非也木器如槃置椀於其上所以上食者說文椀几屬想亦有足考工記夫人享諸侯案十有二寸古尺小當今七寸許耳若椀以盛羹捧則炙手不可舉也惟張平子四愁詩何以報之青玉案當是椀字

問三國志漢壽亭侯其說不一曰漢壽地名亭侯爵

名漢有亭侯鄉侯通侯通侯卽徹侯也或曰漢壽亭在今四川

經史答問

辛

卷一

川敘
州府

問漢書衛青傳人奴之生得無受笞罵足矣何解曰人奴之斷句

問易震用伐鬼方震者摯伯之名太任父也書巧言令色孔壬共工氏孔名壬詩簡兮簡兮簡爲伶官之名皆古有是訓歟曰新說見高淡人天祿識餘所引

問漢高之父何名曰名煇一字執嘉見世本又後漢

章帝紀注

問漢書九流何以謂之流曰猶濫觴也如儒家者流蓋出於司徒之官流字當屬下句讀

問朱子孝經刊誤刪去章末引詩以爲後人附會然歟曰非也匡衡上疏云大雅無念爾祖聿修厥德孔子著之孝經首章此禮記表記坊記之比何可輕議

問禮記檀弓有縣亶家語字子象一作縣豐今雍正

經史答問

辛

卷一

二年增縣亶從祀文廟何前代未之及歟曰縣亶卽鄒單也史記鄒單字子家鄒字古作鄒故誤縣單亶同聲豐亶形近象家亦形近實一人也今既增縣亶而仍祀鄒單不考之故耳

問漢宣帝詔池藥未御幸者假與貧民池藥何物曰藥乃藥字之誤藥說文作藥或體作藥

問王進士崧說緯一卷內有舜家門之難篇以孟子書所述舜各事次其前後酌其情節於理有當歟